

LIGJ

Nr .9217, date 8.4.2004

PER DISA SHTESA DHE NDRYSHIME NE LIGJIN NR.8576, DATE 3.2.2000 "PER BIBLIOTEKAT NE REPUBLIKEN E SHQIPERISE"

Ne mbështetje te neneve 78 dhe 83 pika 1 te Kushtetutës, me propozimin e Këshillit te Ministrave,

KUVENDI  
I REPUBLIKES SE SHQIPERISE

VENDOSI:

Ne ligjin nr.8576, date 3.2.2000 "Për bibliotekat ne Republikën e Shqipërisë" bëhen këto shtesa dhe ndryshime:

Neni 1

Ne fjalinë e fundit te nenit 2 fjala "te formimit" hiqet.

Neni 2

Shkronjat "a", "c" dhe "ç" te nenit 7 ndryshohen si me poshtë:

"a) te marre te dhëna për koleksionet e bibliotekës dhe për koleksionet e bibliotekave te tjera

nëpërmjet mjeteve te informacionit bibliotekar;

c) te shfrytëzojë koleksionet e bibliotekës dhe te huazoje materiale bibliotekare, sipas rregullores se bibliotekës;

ç) te huazoje materiale nga bibliotekat e tjera, brenda dhe jashtë vendit, nëpërmjet shërbimit

nderbibliotekar, sipas rregullores se saj."

Neni 3

Neni 8 ndryshohet si me poshtë:

"Neni 8

E drejta për shërbim dhe informacion bibliotekar sigurohet falas dhe ne mënyre te barabarte

për te gjithë përdoruesit e bibliotekave.

Mënyra dhe kushtet e shfrytëzimit te bibliotekës përcaktohen ne rregulloret e brendshme, te cilat miratohen nga drejtuesit e bibliotekave. Tarifat për shërbime te veçanta te ofruara ne biblioteka përcaktohen sipas legjislacionit ne fuqi."

Neni 4

Pika 1 e nenit 13 ndryshohet si me poshtë:

1. Ministria e Kulturës, Rinise dhe Sporteve drejton dhe mbikëqyr standardet profesionale ne te gjithë rrjetin bibliotekar te vendit nëpërmjet Bibliotekës Kombëtare, si qendër e kualifikimit profesional ne nivel kombëtar."

Neni 5

Neni 14 ndryshohet si me poshtë:

"Neni 14

Pranë Ministrit te Kulturës, Rinise dhe Sporteve funksionon Këshilli Kombëtar i Bibliotekave, si organ këshillimor i ministrit. Këshilli mblidhet jo me rralle se dy here ne vit. Këshilli Kombëtar i Bibliotekave përbëhet nga:

- 2 përfaqësues nga Ministria e Kulturës, Rinise dhe Sporteve, anëtarë;
- 1 përfaqësues nga Ministria e Arsimit dhe Shkencës, anëtar;
- 1 përfaqësues nga Ministria e Pushtetit Vendor dhe e Decentralizimit, anëtar;
- 1 përfaqësues nga Akademia e Shkencave, anëtar;
- 1 përfaqësues nga Shoqata e Punonjësve te Bibliotekave, anëtar;
- 1 përfaqësues nga Biblioteka Kombëtare, anëtar;
- 1 përfaqësues nga bibliotekat publike, anëtar;
- 1 përfaqësues nga bibliotekat e veçanta, anëtar;
- 1 përfaqësues nga bibliotekat universitare, anëtar;
- 1 përfaqësues nga çdo shoqate botuesish, anëtar;
- 1 përfaqësues nga Shoqata e Bashkive te Shqipërisë, anëtar.

Këshilli Kombëtar i Bibliotekave shqyrton çështje qe kane te bëjnë me:

- analizën e gjendjes se sistemit bibliotekar dhe dhënien e rekomandimeve për zhvillimin e tij;

- bashkërendimin e veprimtarive te këtij sistemi, politikat e pasurimit, huazimit nderbibliotekar, katalogët përmbledhës etj.;

- orientimin e përgatitjes dhe te trajnimit te te gjithë bibliotekareve;

- rekomandimin e normave dhe te standardeve për zhvillimin e veprimtarisë bibliotekare.

Funksionimi i Këshillit Kombëtar te Bibliotekave përcaktohet ne rregulloren e tij te brendshme, e cila miratohet nga Ministri i Kulturës, Rinise dhe Sporteve. Ne rregullore përcaktohen mënyra e përzgjedhjes se anëtarëve te përfaqësuesve ne Këshillin Kombëtar te Bibliotekave, organizimi dhe funksionimi i tij, si dhe mënyra e shpërblimit te anëtarëve."

Neni 6

Neni 21 ndryshohet si me poshtë:

"Neni 21

"Ministri i Kulturës, Rinise dhe Sporteve miraton statutet tip te te gjithë sistemit te bibliotekave, si dhe me propozimin e drejtuesit te Bibliotekës Kombëtare miraton statutin e këtij institucioni, me përjashtim te bibliotekave universitare, statuti i te cilave miratohet nga rektori me propozimin e drejtuesit te bibliotekës universitare. Kontrolli metodik-shkencor dhe standardet teknike te punës, për te gjithë sistemin e bibliotekave, përcaktohen me urdhër te Ministrit te Kulturës, Rinise dhe Sporteve.".

Neni 7

Ne paragrafin e trete "Bibliotekat publike, vendore" te nenit 26, fjala "vendore" hiqet.

Neni 8

Ne nenin 27 bëhen këto ndryshime:

1. Pika 8 ndryshohet si me poshtë:

"8. Drejton, organizon dhe kryen trajnimin dhe kualifikimin e vazhdueshëm profesional te punonjësve te bibliotekave te vendit. "

2. Ne paragrafin e pare te pikës 11, pas fjalës "e restaurimit" shtohen fjalët "dhe konservimit"

3. Paragrafi i dyte i pikës 11 ndryshohet si me poshtë:

"Biblioteka Kombëtare bën blerje dhe huazime ndërkombëtare te materialit bibliotekar me fondin e veçante buxhetor, te dhënë çdo vit kalendarik nga Ministria e Kulturës, Rinise dhe Sporteve. "

Neni 9

Ne nenin 28 bëhen këto ndryshime:

1. Fjala "vendore" hiqet.

2. Pika 10 ndryshohet si me poshtë:

"10. Bibliotekat publike, me vendim te Këshillit te Ministrave, sipas propozimit te përbashkët te Ministrit te Kulturës, Rinise dhe Sporteve dhe te Ministrit te Pushtetit Vendor dhe te Decentralizimit, kategori zohen ne tri nivele, ne varësi te koleksioneve, numrit te përdoruesve dhe te shërbimeve bibliotekare qe ofrojnë.".

Neni 10

Ky ligj hyn ne fuqi 15 dite pas botimit ne Fletoren Zyrtare.

Shpallur me dekretin nr.4220, date 5.5.2004 te Presidentit te Republikës se Shqipërisë,  
Alfred Moisiu

